

Tužilaštvo - Tužiteljstvo Bosne i Hercegovine
Тужилаштво Босне и ХерцеговинеBroj: T20 0 KT 0026263 24
Sarajevo, 11.02.2025. godinePRITVOR!
HITNO!SUD BOSNE I HERCEGOVINE
SARAJEVO
Sudiji za prethodno saslušanje

Na osnovu člana 35. stav 1. i 2. tačka i) i 226. i 227. Zakona o krivičnom postupku Bosne i Hercegovine, p o d i ž e m:

OPTUŽNICU

PROTIV:

Mona Fewires Hamza Ahmed, [REDACTED], rođena [REDACTED] 1976. godine [REDACTED] državljanka Egipta, [REDACTED]
[REDACTED]
[REDACTED][REDACTED]
[REDACTED]
[REDACTED]
[REDACTED]
[REDACTED]

Što je:

Dana 18.11.2024. godine u večernjim satima na osnovu prethodno postignutog dogovora sa njoj poznatim licem u Istanbulu (Turska), pokušala prokrijumčariti jednu maloljetnu osobu državljanina Egipta, [REDACTED], radi sticanja protivpravne imovinske koristi, a za njoj poznati novčani iznos u Bosnu i Hercegovinu, preko GP Aerodrom Sarajevo, u Sarajevu, postupajući protivno članu 6. Protokola protiv krijumčarenja migranata, kopnenim, morskim i

vazdušnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“, broj: 3/02) i članu 7. stav 2. Zakona o Graničnoj kontroli („Službeni glasnik BiH“, broj: 53/09, 54/10 i 47/14), znajući da isti ne ispunjava uslove za zakonit ulazak i boravak u BiH niti drugim zemljama EU, niti ispunjava uvjete za zakonit ulazak u zemlje EU, odnosno da u tim državama nema odobren boravak kako je to propisano članom 8. stav 1. Zakona o strancima („Službeni glasnik BiH“, broj: 88/15 i 24/21) i to na način da je u toku mjeseca novembra 2024. godine shodno dogovoru sa njoj poznatom osobom u Istanbulu preuzela tri putne isprave Egipta i to: pasoš Egipta [REDACTED] na ime [REDACTED], pasoš Egipta [REDACTED] na ime [REDACTED] i pasoš Egipta [REDACTED] na ime [REDACTED] te druge dokumente, u namjeri da navedene putne isprave i druge dokumente u ličnom prtljagu prenese preko državne granice BiH i preda njoj poznatom licu na unapred dogovorenoj lokaciji u Sarajevu za njoj poznat novčani iznos, te je pribavila avionsku kartu Istanbul – Atina – Skoplje – Sarajevo [REDACTED] avio kompanije [REDACTED], da bi po dolasku u Atinu, po prethodnom dogovoru sa njoj poznatim licem, putovanje ka Skoplju i dalje Sarajevu avionom nastavila sa mldb. [REDACTED], rođenim [REDACTED], znajući da isti ne ispunjava uslove za zakonit ulazak i boravak u BiH niti drugim zemljama EU jer isti ne posjeduje važeću vizu za ulazak u BiH, pri čemu se putna isprava dječaka [REDACTED] nalazila u njenom ličnom prtljagu, da bi po slijetanju aviona iz Skoplja (Sjeverna Makedonija) u Sarajevo dana 18.11.2024. godine u večernjim satima, navedenom dječaku dala instrukcije kako da izbjegne graničnu kontrolu od strane Granične policije BiH, nakon čega su se razdvojili na ulazu u pasošku kontrolu (dolasci), pri čemu je osumnjičena bez dječaka, prošla pasošku kontrolu na ulazu u BiH i ušla u BiH noseći sa sobom putnu ispravu [REDACTED], a kojeg je ostavila u dolazećem gejt-u - toaletu, iako joj je poznato da bez putne isprave ne može preći državnu granicu i da kao takav ne ispunjava uslove za zakonit ulazak u BiH, shodno odredbi člana 8. stav 1. Zakona o strancima („Službeni glasnik BiH“, broj: 88/15), te je potom [REDACTED] pronađen bez dokumenata na ulaznom terminalu Aerodroma Sarajevo te smješten u Privremeni prihvatni Centar Ušivak, da bi dana 19.11.2024. godine od strane Granične policije BiH Mona Fewires Hamza Ahmed bila spriječena da gore navedene putne isprave preda njoj poznatom licu na teritoriji Sarajeva, a koje isprave su pronađene u njenom ličnom prtljagu i oduzete od strane policijskih službenika Granične policije BiH, a [REDACTED] se iz Privremenog prihvatnog Centar Ušivak udaljio i potom je dalje prokrijumčaren u Italiju, a kod iste se nalazila i putna isprava mldb. [REDACTED] koji je u prethodnom periodu prokrijumčaren u BiH, na koji način je ista pribavila protivpravnu imovinsku korist u njoj poznatom iznosu.

Dakle, radi pribavljanja protivpravne imovinske koristi pokušala preko državne granice nedozvoljeno prevesti jedno maloljetno lice i pri tom ostvarila protivpravnu imovinsku korist u njoj poznatom iznosu.

Čime je, počinila krivično djelo Krijumčarenje ljudi iz člana 189. stav 4. u vezi stava 1., a sve u vezi sa članom 26. Krivičnog zakona BiH.

TUŽILAC
TUŽILAŠTVA-TUŽITELJSTVA BiH